

東甌金石志

東甌金石志卷二

嘉善 戴咸弼 鼇峯 纂緝

瑞安 孫詒讓 仲容 校補

唐

杜審言大龍湫題名

才

審

言

來

梁章鉅雁蕩詩話余同年友朱文定公士彥游大  
龍湫詩云諾俱那蹤未易尋杜審言題猶可觀自  
注壁上題名則明是目擊之詞乃余與同人游大

龍湫審睇冥搜不得其處因思雁山晚開五代以前除張又新吳畦僧貫休外並無題詠而杜審言係初唐人何以已有龍湫題名按明人歙縣王獻芝游記云近崖有潭潭畔亂石磊落石上有題杜審言來此字近或爲湫水所掩似文定實目見之又吾師李石農制府鑾宣分巡溫處時曾再游雁蕩必亦見過此題故集中有詩云言尋大通碑歲久靳我眄偶訪龍湫來石上字如霞題名者纍纍斑駁讀難徧捫壁掃蒼苔攬勝意忘倦壓刻修文名差喜目無眩土花風雨蝕雲嶂焉蘿胃想當神龍初著屐恣游醺必爲驚人句字字出百鍊何以詩集中此題竟未見古今大手筆盛美幾人擅或

傳或不傳過眼譬如電天紳方倒垂舉頭激銀箭  
果爾則雁山磨崖無古於此者何以不入兩浙金  
石志恨不得起吾師吾友於九原而一質之也

右杜審言來四字在樂清雁蕩大龍湫之下巨石  
上楷書平列徑一尺二寸龍湫爲雁山勝境其受  
瀑處匯爲潭潭廣可數尋袤延三十餘丈潭中石  
縱橫纍纍星羅棋布大者高不過數尺或面平如  
砥可以位置琴尊供人坐臥而離湫水較遠水盛  
時泛濫洋溢沈沒巨浸中水縮石多涸出此刻可  
見然遊屐所經意在龍湫訪古之士百不獲一是  
以宋元閒志乘圖經均未之及惟明人王獻芝游  
記載之見萬厯雁蕩山志獻芝歛人時爲清軍御

史按部來溫與蕩南朱公諫同遊所載常寶臣等題名今在巖壁最高處惟於此刻則云近崖有潭潭畔亂石磊落石上有題杜審言來此字自非親歷者不能道也余輯金石志苦乏唐人遺蹟丙子九秋偕同人往遊時湫水甚微於湫背崖壁上刻意冥搜多北宋人題名裴裏閒日已晌午將返僧廬稍憩由石罅中屈曲穿出潭底多碎石一步一蹶目不及他瞬僞兒侍行忽覩此刻石上題字顯然不覺狂喜洗刷數過命兒手拓一紙審言來三字尙完杜字殘缺僅存其半此字則已漫滅筆法端方遒斂鐵畫銀鈎審言嘗自謂吾書當得王羲之北面其風範蓋可想見今得此真蹟於千二百

年後欣幸爲何如耶按審言爲少陵之祖字必簡  
襄州襄陽人雅善五言詩工書翰舉進士爲隰城  
尉遷洛陽丞坐事貶吉州司戶參軍免官還東都  
武后時召見授著作佐郎累遷膳部員外郎神龍  
初坐交通張易之流峯州入爲國子監主簿修文  
館學士卒其生平遊宦所經未嘗至兩浙此題不  
知當在何時石農先生詩想當神龍初一語中宗  
復辟時審言遠竄遐方屐齒恐未必能來也意其  
在吉州罷官之後乎

包舉龍鼻洞題名

包舉來 壬寅七月朔

文僞按右刻在樂清雁山龍鼻洞左壁葉宗大題

名之左正書首三字字徑二寸三分下五字字徑一寸八分包舉見同治湖州府志金石畧武康縣碧玉潭有唐貞元刺史于頔等題名云湖州刺史京兆于頔監察御史河東薛公允前右衛冑曹吳興沈必復處士宏農楊系富春孫革天水趙匡時河南于鎡縣令楊□尉包舉貞元十年二月五日題攷是年歲在甲戌上溯壬寅爲肅宗寶應元年下至壬寅爲穆宗長慶二年竊意貞元時尉武康則此題當在穆宗時但不知係何官郡縣職官志無其人幸有湖郡題名可證知其爲唐人遺跡也

處士姜公墓碣

大中七年十一月十日

善夫處士

姜公之域

次子玠立

孫詒讓案右唐善夫處士姜公墓碣在瑞安三十八都碗窰茶巷光緒壬午土人掘地得之石高漢尺三尺有奇廣二尺五寸有奇大字二行每字約徑七寸小字二行每字約徑二寸許歲久文頗剝缺而紀元尙明哲温州唐石罕覩此碣雖無開攷證亦足寶也

咸通殘甌文

咸通二年

孫詒讓案右甌厚一寸二分廣五寸八分

據漢建初銅尺



下半斷失長不可計存文四曰咸通二年並反書  
樂清鄭夢白得於友人家牆間介傳省三寄贈余  
今臧百晉精廬

姚揆仙巖銘

仙巖銘

維仙之居既清且虛  
一泉一石可詩可圖

姚揆撰

右銘磨崖在瑞安仙巖翠微嶺二行行八字前後  
兩行各三字正書徑七寸筆意瘦硬姚揆官溫州  
郡丞府志職官失載此銘見全唐文有官秩可據  
宋亦有姚揆端拱二年第三人及第官吏部侍郎

見雍正浙江通志

吳越

錢鐸康樂巖題記

鐸自南戶載領解於康樂  
巖東荆亭臺遍植花柳  
赫華蓋山畔建置菓園  
至背巖深奇菓時  
中昌歲清明四彭城  
輔軒記以示後

明劉恆謝巖觀二篆刻記青石碑在巖背篆刻有  
二其一云棘寺薛孺卿邑宰陳□之簿曹觀尉亭  
汶字方四寸許其一云鐸自庚辰載領郡於康樂

巖重剏亭臺遍植花柳兼華蓋山畔建置菓園□  
□□□□添奇□時甲申歲清明日彭城輔軒記  
以示後來凡六行字參差不等蓋縮於石罅其小  
者可方前篆也先是是刻余止識三十二字家兄  
識余所不識者一十四字初鐫字見半金而華仿  
彿如重或疑爲鍾詳其文勢必當時所刻創亭臺  
者名其不刻姓氏者以後彭城郡可互見也因其  
有領郡之云以郡志考之得唐刺史錢鐸而錢實  
彭城郡於是疑向所疑鍾爲鐸猶未敢必按鐸在  
咸通中於西岑建瑞鹿寺卽法教院也余考瑞鹿  
寺建於咸通四年因四年并是刻庚辰甲申之云  
以通鑑考之咸通元年庚辰五年甲申正與此合

志中一字卽四年爾由此推之輔軒蓋錢刺史字  
嘗問城南劉先生先生曰子考索詳矣但唐人無  
以軒居之號額代已姓氏者大凡書某軒某齋非  
古法也輔軒或卽郡守姓名否則錢刺史記此而  
行文則出於輔軒未可知也予因劉先生之言又  
攷吾郡秩官志實無輔姓軒名者竊意志或軼之  
七月八日丙寅復攜朱生道昌往視時日光注射  
多不模糊而所疑鍾字實鐸字彭城乃錢刺史書  
其郡望耳而輔軒抑豈其字歟舊志鐸作華又以  
見志記者之謬也謝巖題刻多宋人筆而此則唐  
人云劉先生名翊博學能文章家兄名懌工篆書  
丙寅後三日劉恆記記後一百二十五日甲戌偶

得圖繪寶鑑云錢鐸字輔軒武肅王兄也善丹青  
阮元兩浙金石志右刻在永嘉縣積穀山麓謝客  
巖文六行篆書徑四五寸不等郡縣志載鐸爲武  
肅王兄咸通閒領郡事曾於西岑建瑞鹿寺此題  
甲申者乃咸通五年也元按十國春秋鐸字輔軒  
爲英顯王錢寬幼子武肅之胞弟也生時受武肅  
鞠育恩及武肅薨請服通喪以報之多藝善畫繪  
尤精音律承制累授溫明二州刺史文穆時除兩  
浙行軍司馬尋改本州團練使順化軍節度使封  
楚國公開運二年卒年五十五諡曰忠簡據此鐸  
當生於唐昭宗大順二年武肅於乾寧二年從石  
鏡將董昌討王郢之亂時年二十四則長於鐸十

九年矣若依志乘所載上溯咸通其時武肅尙未  
生焉得有弟領州郡是鐸任温州刺史在武肅建  
號改元之後庚辰爲天寶十三年甲申爲寶大元  
年今臨安海會寺經幢稱寶大元年歲次甲申是  
其證也

孫詒讓按此刻篆體譌舛多不合六書罔字爲說  
文五百四十部首之一訓爲窗牖麗廡闔明讀若  
擴此以爲日字尤謬冀添奇肅肅字阮文達釋爲  
章以字形文義校之當爲景字阮釋失之錢輔軒  
事亦見范垌林禹吳越備史八所載與十國春秋  
悉同蓋卽吳任臣所本惟云鐸年五十三少十國  
春秋二歲自開運二年逆推之當生於景福二年

上距咸通庚辰凡三十三年阮文達之說是也惟  
文達云咸通時武肅尙未生則誤攷史言武肅薨  
於唐長興三年年八十一與備史所載大中六年  
壬申二月十六日生以年計之適合十國春秋然  
與備史同則咸通庚辰武肅年九歲矣從董昌討王郢乃乾  
符二年事故云二十四歲文達誤記爲乾寧二年  
而未核武肅之生卒故其說如此

右錢鐸康樂巖題記在飛霞洞之左篆書六行行  
十字至七字不等字徑四寸至八寸餘亦不等按  
郡志劉恆觀謝巖篆刻記因其有庚辰甲申之文  
遂以爲咸通元年之庚辰而以鐸建瑞鹿寺在咸  
通四年實之定爲唐時石刻其說甚辯然考鐸生

於昭宗大順二年辛亥其父英顯王卒於昭宗乾  
寧二年乙卯鐸方五歲武肅王爲其長兄鞠育之  
及武肅薨請服通喪以報之時年四十二鐸卒於  
開運二年乙巳年五十五則庚辰爲武肅建元天  
寶之十三年甲申爲寶大元年阮相國金石志據  
十國春秋考核甚精足以證舊志之謬惟云武肅  
長於鐸十九年則又誤矣武肅當長  
鐸四十年若以爲咸通  
之庚辰則其父英顯王僅二十六歲安得有子爲  
刺史之理其說可不攻自破至瑞鹿寺康熙乾隆  
志俱云建於咸通中並未著錢鐸之名又按職官  
志列錢鐸名於韋庸崔綰之次以爲宣宗時任不  
知庚辰乃後梁之貞明六年也及考永嘉周天錫



花萼樓集所載題謝巖篆刻後記一篇尤足以證  
先後志書之謬其詞曰蓋余讀此而嘆記載之誤  
也舊志乾符元年温州刺史錢鏐三年魯實四年  
鄭謚新志因之余攷乾符元年甲午非庚辰也甲  
午上溯咸通之庚辰相去一十五年誤一武肅後  
唐長興三年卒子元瓘嗣如判州事錢元珪錢元  
邴皆其子而鏐與鏐名同行次誤二阿育王碑梁  
貞明二年錢鏐遣弟鏐迎塔作禮按武肅享年八  
十又一其生爲大中壬申去咸通庚辰僅九年耳  
而錢唐志開成元年鏐爲錢唐令開成元年丙辰  
至咸通元年庚辰計二十五年鏐卽廿歲作令及  
迎塔之年鏐已一百一歲鏐方六十五歲猶曰鏐

弟誤三余再四詳求莫得其說近閱永嘉譜歷代  
牧長之序注云乾符三年王郢因温州刺史魯實  
請降則魯實之在三年無疑矣而前有錢鏐後有  
鄭謚首尾四年刺史三易獨咸通十四年中止載  
崔綰一人何略也意錢鏐與崔綰先後同時誤以  
咸通元年作乾符元年又意錢鏐別是一人與武  
肅無涉歟竹策易訛金石最壽鏐之刺溫當以篆  
刻爲確惟輔軒二字難曉姜平仲以爲鏐字取圖  
繪寶鑑作證余翻閱無有又不知何據書以質博  
雅君子己亥夏五旣望按此篇於錢氏譜系未遑  
深考不具論其所云舊志新志職官次第與今康  
熙乾隆志詳畧不同攷天錫字懋寵號樗菴明左

副都御史應期子 國朝康熙歲貢其所云新志疑卽指萬厯府志據稱乾符元年温州刺史錢鏐三年魯實四年鄭謚獨咸通十四年中止載崔綰一人今檢瑞安孫氏所藏萬厯志職官次第與康熙乾隆兩志正同並以崔綰錢鏐爲宣宗時任則大中而非咸通矣其下有劉利貞裴閱二人注懿宗時任此則咸通也魯實之下有鄭虔昱一人而於乾符元年三年四年等字皆削而不書似以意爲遷就究不知其何所本然則樗菴所引新舊志竟不知其爲何志也總之錢鏐一人沿訛已久自吳越僭史十國春秋出始昭然若發矇及證以阿育王碑與謝巖題記遂成鐵案不可移易至所引

錢唐縣志開成元年之錢鐸按癸辛雜志錢唐縣  
令錢華題名其字無金旁當別是一人不必致疑  
於年歲之不符也然則郡志錢鐸之名宜列後梁  
錢傳璣之次以傳璣守温州在貞明三年卽天寶  
九年鐸則在貞明六年而志並無傳璣名則漏畧  
也萬厯以前舊志得失參半經後人竄易年代舛  
誤愈無可稽亦一憾事故論之如右又鄭謚今志  
作鄭鑑當是傳寫之訛未知孰是所載永嘉譜云  
云乃宋紹熙間瑞安曹叔遠所著曰年譜地譜名  
譜人譜當 國初時尙有此書今已渺不可得矣  
惜哉己亥爲順治十六年也又劉恆所記共缺六  
字今按添字上有修冀二字奇字下爲章字餘三

字不可識恆字孟貞永嘉人見明成化閒旌節亭

碑記

吳越王金塗塔記

吳越國王

錢弘俶敬造

八万四千寶

十

塔乙卯歲記

右塔高工部尺四寸二分上下四層下一層塔座  
寬三寸三分作瓦檐形第三層寬二寸六分每面  
有佛像三窗燈形二第二層寬二寸四分兩旁刻  
花紋中鑄梵夾故事上一層亦刻花紋而平其頂  
頂上出四角如大拇指高一寸四分角三稜稜外

八面面各一金剛立像內四面如蓮花瓣面一佛  
坐像據表忠譜頂上有相輪七級今已平禿有斷  
缺痕腹中款識正書四行首行四字下三行行五  
字字徑四五六分不等乃吳越忠懿王錢宏俶所  
造八萬四千寶塔之一每面之內各有一十字其  
一面在記文十九字之下居四行之中豈其第十  
號歟然阮相國金塗塔跋云十九字下別有一保  
字編號者張芑堂金石契所載有以人字編號者  
則非鑄塔之數可知此塔始見嘉泰會稽志紹興  
初善法院捨地得金塗銅塔姜白石得其一版周  
晉泉文璞作長歌紀其事又紹定初程珌龍山勝  
相寺記吳越忠懿王以五金鑄十萬寶塔以五百

遣使頒日本則所謂八萬四千者特刺取梵典成語謂阿育王一日一夜役鬼神造八萬四千塔之成數而著之於塔其實尙不止此數也五代時各國主之佞佛於此可見一斑其所繪四面像各不同第一面一佛坐右旁二人一合掌立一坐左旁一人擎拳側立下有二物似犬似蛇此面之內有所鑄十九字第二面佛立像左右各一人前有二虎佛作割肉飼虎狀此一面與張芑堂所稱八字編號者無少異第三面一佛坐右旁二人一立一坐左旁二人立持杵第四面一佛曲膝俯首一人持刃加其首一人承其下一人倚其後後有寶樹一株此當是月光王捐舍寶首事此二面與阮相

國所稱內有保字編號者同當時模範不一有作放下屠刀立地成佛者有作饑鷹餓虎狀者與今所見不同考宏俶字文德武肅王孫晉開運四年嗣立此塔造於乙卯爲嗣立之八年卽周顯德二年也朱氏竹垞曝書亭集云寺塔之建吳越武肅王倍於他國當日於宮中冶烏金爲瓦繪梵夾故事塗之以金合以成塔是直以爲武肅王造又謂瓦合成塔蓋承周青士之訛未見搨本故也一云錢王納土後造此塔八萬四千報趙氏不殺恩若然則在眞宗乙卯忠懿王卒以年證之亦謬金石契云山陰陳默齋得一座四面畫像俱全王蘭泉司寇金石萃編云此本拓自海寧陳氏乾隆中陳



氏以塔贈今相國大興朱公公尋進諸內府人  
閒傳拓日少此本尤寶貴也錢梅溪履園叢話亦  
云嘉慶己卯歲常熟劉君在市中得二枚自石門  
縣田閒掘土出之所見與前無異其見於諸家題  
跋僅此數枚咸弼於光緒丙子秋得見永嘉華蓋  
里王氏所藏供奉案頭者累日摹搨數紙歸之竊  
謂當時鑄造之多如此而年代寢遠散佚殆盡前  
此姜白石周青士釋德清諸人所見皆止一版乃  
閱今九百餘年猶獲睹全塔謂非好古之勝緣耶

東甌金石志卷三

嘉善 戴咸弼 鼇峯

瑞安 孫詒讓 仲容

宋一

北山寺經幢

上缺

當寺長言

□□□沙門□□□<sub>缺</sub>□□□山□

□發酒務監□衛將軍兼御史大夫上柱國張<sub>軫</sub>軫

缺

□糧河沙福報屹二而上增日月高萬而下鑒□

□□□□□願□□匠□□悟天中受樂佛南趣

生頂

□□□涵□海□□□□□□□神功□□福

□□□莫盡時乾德六年歲次戊辰四月丁巳初八

日庚申□□訖耳

□□□□□□□□ 男□□□□□□□□ 延宗

女三十六娘□□□□□□ □子□麥□襲□

□□□□□□ 女孫子三□□□□□□□□ 等□□□

□□□ 網維僧 □霄 上座僧 □□

知庫僧 無□ 知□僧 □□

賜紫居□□□□首座□百□言沙門□□□□□□

□□□□□□□摩訶衍行惣持王說此秘密□□多

□□法身金剛句菩提□□虛空量□□法界諸如

來□念□□受持者念滿十万八千遍遍遍入於無

相□□□□□□□□一大聖□□□願力□□□善

證菩提□□□著薈蔔香不□一□□香衆常行十

惡罪□□□聞灌頂不□□恆沙罪□□□滿現受

阿鼻大地□□□念者得惣持同獲涅槃□戒樂  
大佛頂如來廣放光明□摩訶□□□上最勝金  
剛三昧□□□施十方如來清淨海□秘密伽他  
微妙章句金剛薩室□□□僧伽喃引□言□言  
引□□□曩謨□嚕□□□□□曩喃引曩  
謨□□哩□二喃引曩謨悉駄尾你也二駄囉哩□

右第一第二面

玢親娜夜弭枳攞夜弭引麼賀引迦囉麼引麼哩二  
誡拏引娑音呬夜野言訖哩二擔尾你玢親娜野  
弭枳攞引夜弭揭播哩迦引訖哩擔引尾你玢親  
枳攞夜弭勃陵二儼哩致迦引難上你言引濕嚕二  
囉誡拏跋底娑音呬夜野夜弭阿囉罕多訖哩擔尾

東嶼金石志

卷之三

二

你玟親娜野弭枳擺夜弭尾入多囉哉訖哩擔尾你

夜弭枳擺野弭

小大頭囉入乞灑二合囉乞灑給引一切婆去哉鏤

金剛部反娑怛他哉觀鬼神普吒引尾迦泉路多鉢怛合二

入囉合二囉引入囉合二囉引馱音迦馱迦引尾馱吒娑

囉賀合三係係胡發吒護護引沒吒阿入稜伽野發

吒阿鉢囉合二底賀多引薩囉義覓毗藥發吒薩囉藥

乞叉合二毗藥發吒薩囉囉乞洒合二細毗藥發吒薩引

毗藥發吒薩囉麼護囉藝毗藥發吒薩囉麼努洒引

毗藥發吒薩囉阿麼努布單妳引毗藥發吒薩囉羯

吒布單妳毗藥發吒薩囉訥嘜儼帝引毗藥發吒

右第 面

徐引之按北山寺經幢在平陽錢倉鎮寺東向幢已斷缺過半今存者高三尺五寸五分六面刻經文行數不等廣一尺一寸八分光可鑑人太湖石也今在神座前上安神爐不易搨字殘缺不完錢倉爲吳越王錢俶道場疑爲吳越時所作

右幢六面淞樵初拓其一莫詳年代嗣儁兒續搨兩面知係宋太祖乾德六年所刻吳越忠懿王宏俶嗣位之二十二年也幢身微損石上下似無斷缺惟搨本漫漶闕字甚多第一面九行第二面八行一面經文十行行俱三十字正書徑八分結體端勁似顏清臣張口軫中一字僅辨水旁其結銜監字下疑是門字隋有左右監門府將軍唐亦有

監門衛大將軍將軍吳越時猶沿其制攷續通鑑  
開寶元年三月甲申朔四月當癸丑朔此題四月  
丁巳初八日庚申丁巳蓋月建也是年本乾德六  
年十一月癸卯改元開寶史據所改年號冠諸歲  
首故曰開寶元年經咒本可不錄其中間有小字  
徑四分如二合三合則梵音之反切也或注字音  
上去入或云一切守護鬼神將部皆他處所未見  
故附錄數行以資攷證

孫詒讓案唐六典左右監門衛有將軍各三人從  
三品班在左右大將軍之下掌諸門禁衛門籍之  
法又御史大夫一人從三品又官人勛級十二等  
十二轉爲上柱國比正二品五代十國多仍唐制

此碑張□軫繫銜稱監門衛將軍御史大夫上柱國以從三品之官兼比正二品之勛似殊不賤然其時諸鎮擅命橫恩濫授越踰恆格故薛居正五代史百官志載後唐天成三年五月詔曰上柱國勛之極近代以來武資不計何人初官便授上柱國宜自此時重修舊制今後凡是加勛先自武騎尉經十二轉方授上柱國永作成規不令踰越雖有是命竟不革前例是其時武人初入仕班卽授柱國此幢作於吳越未納土以前蓋猶未革是弊固未能以開元舊制詰之矣

瑜珈寺塔軌

乾德六年太歲戊辰四

下缺



靜海軍衙直太傅鍾欽弟子

下缺

右甌在永嘉十三都白塔瑜珈寺塔間厚一寸六分廣六寸六分下半斷失長不可計右側存文九字左側存文十一字字徑五分許

孫詒讓案甌文端秀可喜宋甌中所僅見樂史太

平寰宇記温州晉天福四年升爲靜海軍節度從

錢元瓘之奏請

唐時温州已建靜海軍使

皇朝爲

刺史州此甌作於宋乾德戊辰時吳越尙未納土

故猶以靜海軍繫衙衙直者爾時藩鎮軍職之名

凡節度軍蓋並有之王昶金石萃編載大順三年

撫州寶應寺鐘款後附撫州軍僚題名有衙直官

王獮正與此同蓋以其在牙前輪直故謂之衙直

與押衙衙推相似其云太傅者洪邁容齋三筆云  
唐中葉以後官曹尤爲泛濫僖昭之世遂有提船  
郭使君看馬李僕射周行逢據湖湘境內有漫天  
司空遍地太保之譏李茂貞在鳳翔內外持管鑰  
者亦呼爲司空太保云云據此則唐五季時強藩  
專擅優假武人除授僭濫至於庸奴賤卒悉得躡  
躋保傅錢氏在宋初雖奉中原正朔而五季濫授  
之習未盡湔除此鍾欽以衙直而繫衙太傅蓋無  
足怪也

大禹王廟石塔殘字

乙下缺

日甲寅立

□□

熙四年二月十三記勾當僧 □□

皇帝聖壽併入會官員信士等 下缺

右第一面

內品 下缺

內品守內 下缺

內品守內侍□□□□□□□□□□務徐洪

承奉郎守秘書省□□監温州鹽酒稅務韋成象

宣奉郎守著作佐郎監温州商稅□□元玘

殿前承旨温州兵馬□□兼在城巡檢燕守則

承奉郎守太子右□□□□軍州 下缺

承 下缺

右第二面

右石塔在永嘉東門外大禹王廟太湖石造現存五層高約一丈凡八面字僅存四面面寬二尺許第四面無字其可辨者止一百五十四字紀年處存一熙字志載大禹王廟在海壇山上宋雍熙四年建此幢蓋同時所造今迫在戲臺前當是築臺時限於尺地故遭損擊第一面首五字字徑一寸二分熙字已下徑七分第二面徑六分兵馬下當是都監二字內品守內侍者內官名第七行結銜下存軍州二字當是知温州軍州事不知何人惜姓名磨滅不可考矣第三第五兩面字皆徑一寸二分殘缺不可讀今不錄

謝泌謝客巖詩刻

左文

塵

只我今來嗣後

子孫千載知多少

登臨盡日動悲辛

舊刻巖前文字在

遠孫泌述

右刻六行在永嘉飛霞洞謝客巖上方側面左文  
正書字約徑二寸餘下有遠孫泌述四字意其爲  
謝泌所作按宋史泌字宗源歙州歙人登進士第  
厯事太宗真宗拜左右諫議大夫任直敢言厯知  
同統湖福襄五州咸平五年同知貢舉由通進銀  
臺司出爲兩浙轉運使徙知福州此必道經温州

時作也又攷浙江通志謝泌知湖州與轉運使兩見蓋出知湖州在太宗時爲轉運使則在真宗時耳此刻在巖旁高處遊者目力所不到故多未見塵字提行寫與只字並惜巖高不能揭也此詩疑爲皇祐時郡守劉述所刻見下劉述題名

孫詒讓案此詩爲謝宗源所作塙鑿無疑宋羅願新安志云謝諫議泌自言晉太傅安二十七世孫謝客爲太傅兄子康樂獻武公立之孫於太傅爲從曾孫行族屬最近故宗源此刻有遠孫之稱也陶山寺佛頂尊勝陀羅尼經幢

經文不錄

皇宋天禧四年歲在庚申十一月戊子朔二十六日

癸酉温州瑞安縣芳山鄉韋奧村居住志信弟子邵  
從移并男展男質闔家眷屬等謹捨資財二百貫文  
詣陶山寺大殿前建立石寶幢二所各鐫 佛頂陀  
羅尼經用光 聖代永鎮名藍功果告成敢伸微願  
惟冀常住三寶天地龍神同垂惠愛共賜晶明從移  
今捨家財建茲妙善一願

皇帝陛下永齊日月之明一願祖上考妣神識逍遙  
一願亡妻黃十五娘在生同營財帛今朝淨福長薦  
貞魂一願見居兄弟各助亨通一願從移積生今世  
三業六根衆多尤過承殊勝福志皆清淨見生安樂  
來報無憾一願從移生生世世□□人趣受身所生  
之處十善眷屬百福莊嚴身器堅淨智性晶明有福

有壽多食多安常興三寶建大津梁作衆善事諸天  
衛護起心堅固無魔所□□□□一生一報顯□一  
報自識宿緣自明正理於□□性離斷常見向空有  
門得了達智諸佛會中皆興供養皆得諸佛授正法  
記次第修行證常住果具大神□入十方界運利樂  
之慈攝衆生之苦自身貞□度彼超昇共諸眷屬善  
相接續化諸有情俱登正覺恭惟 諸佛鑒茲微願  
一一允從事事諸實志心謹□邵從移自身□建隆  
元年庚申三月長生伏日日前同妻黃十五娘男辰  
男質等將已分資財造 因果今鐫此幢用彰後  
一件本家造觀音一身 一件陶山寺轉大藏三遍  
一件造羅漢一身 一件閑心寺造羅漢一身



一件綴泥彌陀殿一所 一件添助綴泥大殿及汚  
酒鐘樓并捨錢穀入講堂 一件贖十王幘十鋪  
□□□□造千佛二身 一件寫藏經四函入悟真  
寺顯教院 一件廣照院造夾苳釋伽佛一身 一  
件造羅漢殿一所三間 一件爲亡妻轉熾盛光經  
藏 □□□□僧齋資廬亡妻 一件自預修生七  
一會 一件前後設二十會斛食 一件前後在家  
并慶讚設僧三千員 一件前後□捨錢□□□三  
百貫 □□□□□□一千三百貫文一自課心經  
一藏男展并齊座主爲移各課心經一藏男展又爲  
亡母黃十五娘心經一藏□□□□□□□□□□  
茲貞石之記 邵從移建慈寶幢眷屬施財入緣

兄邵寬錢一貫文 弟邵隨錢一貫文 弟邵□□

□□□□錢二貫 弟邵逸錢一貫 弟邵寵一

貫 女夫樓承超邵十八娘錢一貫五百 女夫樓

政邵二十一娘錢一貫 女夫張凝邵二十二娘□

□□□□□□徐十娘錢二貫 何万妻曹六娘

錢二貫 已上助緣天禧庚申歲十一月日邵從移

錄 都勾當大德妙莊 紹文 願齊□□□□

□□寺主□經律臨壇講讀大德寶琮 首座淨

名通惠大德又旺 知事僧鴻鵠 又生 知庫僧

居諒 繼文 □□□□ 長講經律臨壇傳教大

德寶卿 長講□□□□書 施主姓名如後寺主

寶琮捨錢五百文 前寺主智謹捨錢一貫 精藝

大德昭湛拾一貫 姪興姪寶 砌階道基址 弟  
子□□鮑贈李晟劉德榮 已上各捨二貫 延謚  
曹儼劉皓 已上各捨一貫文

孫詒讓案右經幢在瑞安陶山寺大殿前凡八面  
前五面並鐫陀羅尼經及真言呪語末三面爲記  
及捨錢人姓名據記幢爲邵從移所立本有二所  
今佚其一經記並寺僧某所書名泐不可辨字體  
樸拙尙有隋唐石刻之遺佛書菩薩字本菩薩之  
變體唐已前刻經造象書此字皆作薩宋已後人  
書此字始多从產乃誤中之誤此幢薩字數見皆  
不作薩猶不失古意記內薦作薦古可通用從移  
自題芳山鄉章與人今縣志芳山鄉三十四都有

余與而無韋與瑞安方言余韋音同余與殆卽韋  
與之誤從移移字亦字書所無音義未詳記又載  
從移先於建隆庚申與妻黃十五娘男辰男質等  
造各因果附鑄此幢考庚申爲宋太祖建隆元年  
後六十年當真宗天禧四年復得庚申乃造此幢  
以年推之從移當已八九十歲矣蓋五代末人宋  
初尙在者記中所載諸寺觀以縣志考之閑心寺  
今在芳山鄉杉坑悟真寺今在城內峴山廣照寺  
今在芳山鄉溪壇惟顯教院無考縣志寺觀門載  
悟真寺有子院二一淨土院今改建顯佑廟一南  
山律寺今改建四賢祠顯教院疑卽南山律院也  
其所造經像有夾苾釋伽佛一身夾苾者謂以苾

麻夾土塑成佛像唐釋道宣廣弘明集載梁簡文帝有爲人造丈八夾苧金薄像疏則其制由來遠矣

邊調飛霞洞題名殘刻

天聖七年正月

十六日邊調率

胡昉□□□□

□□

右刻在永嘉飛霞洞崖上高處四行後兩行石泐過半共存一十四字字徑三寸三分正書下有神龕不知其有字也偶於錢鏐題記巖旁側身斜睨字蹟顯露汪子堅司諭攀藤附葛緣崖而上乃得

之前此未之見也邊調以太常博士守温州見萬  
厯郡志又按浙江通志胡昉官知杭州軍州事在  
孝宗時與題名天聖七年相去已一百三十四年  
矣惟通志碑碣門有等慈禪寺釋伽文佛像記慶  
厯五年太常博士胡昉記碑在上虞縣當卽此胡  
昉蓋天聖七年己巳至慶厯五年乙酉相去止十  
七年耳

孫詒讓案邊調應天府楚邱人邊肅之子終尙書  
兵部員外郎福建路轉運使見宋史邊肅傳陸佃  
陶山集邊珣墓志銘亦稱其在仁宗時嘗更省府  
與韓忠獻及佃祖諫議爲僚友相好有醅德美行  
云

薛孺卿等飛霞洞題名 左文

二月九日

天聖十年

觀尉高汝

口之簿曹

卿邑宰陳

棘丞薛孺

右見郡志劉恒觀謝巖篆刻記青石碑在巖背篆刻有二其一云棘寺薛孺卿邑宰陳口之簿曹觀尉亭汝字方四寸許其一卽錢鏐題記云云孫同元永嘉間見錄亦云崖上石刻篆書二其一云棘丞薛孺卿邑宰陳留之簿曹觀尉高汝凡四行十

六字字俱右行右有天聖十年二月九日小篆字  
二行亦右行府志誤以丞字爲寺字高字爲亭字  
小篆款亦失載陳字下篆書不可識王春農云疑  
是動字據此則兩人學博司論永嘉時此刻尙可  
見今僅三四十一年何以竟不可得蓋是刻六行行  
四字劉記云字方四寸許則每行不及二尺今於  
石壁上作洞門圓其頂而楚之想適當其處遂爲  
新築神龕所掩他日必當復出非蕪沒也故仍著  
於錄惜孫君不工椎楊亦未摹篆書全文今未見  
拓本仍以正書錄之郡縣志永嘉令天聖閒亦無  
陳名口之者紀載之疏也棘丞卽大理寺丞容齋  
五筆云今人稱大理寺爲棘卿丞爲棘丞可證薛



孺卿無考曹觀高汝二人志俱失載當補入郡縣志職官

曹觀飛霞洞題名詩刻

巖前春草萋萋色

巖上春風淡淡陰

數百年來無謝客

□□依舊到如今

曹觀

右刻在飛霞洞內鄭賡等題名之次正書共五行上四行行七字徑三寸第五行存二字觀字下不可辨此刻亦前人所未見以石質粗惡僅一曹字明顯色字今字尙可認蓋因向作神龕適當其處

爲蜚灰所掩初不知有字迹也乃剗去灰痕洗刷  
數過手搨一紙攜歸尋繹始得此詩僅缺第四行  
首二字淞樵云疑是蒼茫二字亦頗近是曹觀爲  
永嘉簿見上薛孺卿題名石刻時在天聖十年意  
其同時所作也

孫詒讓案曹觀皇祐中嘗知建昌軍李觀以詩送  
之云要知賢者善居官法白嚴明性白寬見凌迪  
知萬姓統譜檢明本野江集送知軍曹比部移虔  
州詩有此二句則又嘗以郎官知虔州矣

石門潭題字

勅封石門驚禱

下缺

久防龍潭永充

下缺

天聖秋

下缺

右刻在樂清雁山石門潭左壁三行正書徑二尺許天聖秋已下數字不可辨雁山志云元至正間有龍觸石爲門崖上有石刻紀其歲月今尋訪未獲茲刻勅封云云下有訛缺末有紀元而無甲子亦不解久防壞名見樂清志去潭不遠

馬尋等謝客巖題名

左文

十二日題

麻甲申季冬

元亨同遊慶

馬尋左瑾董

右題字四行在謝客巖磨崖大字之左當客字之

旁正書徑二寸左文慶厯乃仁宗第六建元甲申其四年也攷馬尋宋史附陳太素傳云須城人舉毛詩學究判大理寺明法律厯提點兩浙陝西刑獄廣東淮南兩浙轉運知湖撫汝襄洪宣鄧滑八州終司農卿處州石門洞亦有馬尋題名見枯蒼金石志左瑾以都官外郎知温州軍州事董元亨寶元閒通判俱見萬厯郡志秩官

孫詒讓案董元亨見宋史忠義傳深州束鹿人慶厯七年貝州卒王則反元亨時以太常博士通判貝州抗節死史不載其通判温州事此刻爲甲申冬所題在元亨死節前三年疑卽由溫倅改貝州也

東陽金石記卷之三  
田瑜龍鼻洞題名

田瑜來

慶曆丙戌三月一日

文僞按右刻在樂清雁山龍鼻洞內左壁正書兩行首行三字字徑七寸四分次行八字字徑二寸五分田字頂有黃頌李广二人題名爲諸磨崖之最高者田瑜宋史有傳字資忠河南壽安人登進士歷官兩浙轉運使丙戌慶曆六年也

倪天奇甄昂靈巖題名

左文

己丑歲同遊

邑尉甄昂

州幙倪天奇

文僞按右刻在雁山靈巖天柱峯前大石上靈雁  
巖主題詩之前左文三行二行五字一行四字正  
書徑二寸七分邑尉甄昂元李孝光雁山詩注甄  
昂皇祐己丑尉樂清宋薛季宣浪語集引章望之  
雁蕩山記皇祐元年己丑縣尉甄昂發蕩陰山水  
州幙州之幕官倪天奇郡志失載  
孫詒讓案甄昂開封人見萬姓統譜

丹霞山殘刻

金□□

皇祐二年

三月二十

下缺

右字在樂清丹霞山楊康功題名之下金字徑七

東陽金石記 卷之三  
寸七分其名已泐年月二行字徑三寸

苗振常鼎大龍湫題名

苗振伯起

常鼎寶臣

文僞按右刻在雁山大龍湫後絕壁上兩行行四字正書首行字徑一尺八分次行徑九寸二分壁陡立潭旁涉水攀高託趾石齒縛尺杖端始能測量字謹嚴括蒼金石志石門洞亦有二人題名云尙書郎苗振閤門祇候常鼎同遊辛卯孟冬初五日李金瀾跋按蕭山縣昭慶寺夢筆橋碑末署景祐五年承奉郎守大理寺丞知縣事苗振重立則辛卯當爲皇祐三年上距景祐五年戊寅已十四

年不知久在浙江作何官云云攷振以召試館職  
被黜後以列卿知明州熙寧中卒以墨敕亦可戒  
矣常鼎無考是刻與下小龍湫題名俱不書甲子  
當與遊石門洞時相去不遠

常寶臣等小龍湫題名

常寶臣

苗伯起來鄭

公文會處

徐引之按右刻在小龍湫潭旁石上三行首行三  
字次五字次四字正書徑七寸許首行常寶二字  
次苗伯起三字次公文二字尙可認餘俱沈埋泥  
土中剔洗出之余按伯起乃苗振之字明欵人王



獻芝游記載此刻作黃伯起誤

劉述飛霞洞題名詩刻

重刻孫謝二公詩

吳興劉述

漢興文藝推儒首諫議才

能口口師更向謝巖鐫

麗句清風千古照江湄

皇祐四年十月十五日

右劉述題名詩刻在永嘉飛霞洞韓奕題名碑之  
右崖上六行行四字至九字十字不等正書徑二  
寸七分孫同元永嘉聞見錄云字跡模糊難以摹  
認其可見者僅重刻孫謝二公詩吳興劉述漢文

藝推儒首諫議才能師更向麗日清風千古照等  
字余訪揚攜歸懸之齋壁悉心辨認較孫錄所釋  
多一十五字止缺二字耳第五行麗下乃句字孫  
以爲日字亦誤攷宋史劉述字孝叔湖州人舉進  
士爲御史臺主簿知溫耀真三州提點江西刑獄  
累官都官員外郎改荆湖南北京西路轉運使再  
遷刑部郎中神宗初召爲侍御史知雜事授吏部  
郎中兼判刑部出知江州提舉崇禧觀卒此詩題  
字云重刻孫謝二公詩其首句云漢興文藝推儒  
首未知其所指何人詩亦無存不敢臆斷次句云  
諫議才能口口師當指謝諫議泌詩已錄前此或  
是劉君補刻也

鄭詳法成龍鼻洞題名

僧法成

鄭詳再來

右在樂清雁山龍鼻洞左壁兩行正書首行字徑二寸七分次行字徑二寸九分僧法成見十二卷葛逢石佛洞題名碑時在熙寧乙卯林季仲竹軒雜著劉知言墓誌銘云君之配鄭氏故中散大夫詳之孫則鄭詳係劉舍人之妻祖當卽其人也孫詒讓案鄭忠愍剛中北山集附錄何耕資政殿學士鄭公墓誌云金華之祖伯藥生三子克從克允克明克從之子詳仕至中散大夫公克允之曾孫也是詳乃金華人卽鄭忠愍之從祖也北山集

又有跋中散留題云元祐中某爲兒聞伯祖中散  
嘗宰樂清至大觀中叔父承議宰平陽紹興五年  
某爲州幕吏蓋三世仕官於溫矣六年秋過雁蕩  
龍鼻石閒有中散書一十三字刻於巖壁雖百年  
猶新也再摹於石煩今樂清宰栢蒼季公立於靈  
巖寺按忠愍所見十三字之題蓋在此題之先故  
此有再來之語今十三字之題與忠愍重摹之石  
並未訪得未知存佚又據忠愍跋則詳嘗宰樂清  
萬厯温州府志宋樂清知縣題名無鄭詳而別有  
鄭子詳注云皇祐四年蓋卽鄭詳之誤此刻蓋亦  
皇祐閒所題自紹興六年上溯皇祐四年凡八十  
五年忠愍跋十三字云百年者約舉成數耳

廣福寺石塔殘刻

廟口主法可書也此建塔以口

法口可書也信上人身緣佛

氏能有所爲是自述職焉

耳於佛其有功乎故書時

大宋皇祐甲午春二月望日郡

口口程記郢人兼刊字劉口

口錄男女弟子捨錢玉衡

口經陳原普馮珣楊奕盧

口燕口保胡正郭政郭口

口盧十三娘陳七娘陳八娘

口十娘劉二十娘陳口口口

廣福寺石塔題字在永嘉四十八都芙蓉山塔凡  
六角 國初傾圯僅存一截面面有字謝君文波  
拓其一面見示惜未得其全皇祐甲午卽至和元  
年是年四月始改元故二月猶稱皇祐六年也  
僧利卿并闢石刻

開元寺僧利卿

謹捨淨賄壹拾叁貫文有

餘重修義井一口并置井

闌甃砌等所期福利上答

四恩下資三有者

時至和元年甲午歲十一

月二十七日題記耳

右僧利卿井闌上石刻在永嘉積穀山下今東山書院謝公祠前半在牆內半在牆外居民公汲故曰義井義井二字甚古題字七行正書徑二寸八分凡六十一字首行六字五行七字七行八字餘四行行十字永嘉聞見錄云淨賄二字甚新淨財屢見唐宋石刻淨賄罕見又云題記下耳字可笑然檢唐宋人捨塔等刻石題字嘗用耳字作收大概相沿成習不求甚解也四恩國主父母師長檀那三有欲有色有無色有見明陳士元象教皮編陳求古等飛霞洞題名碑

題

至和二年歲次乙未夏六月

下旬休新釀穀熟佳果探成

清泉可漱芳樹堪倚郡守陳

求古率通判王希顏邑令孫

奕台幙陳確從事趙頤杜仁

壽會于巖石之上醉書以記

# 名

孫詒讓按右刻在積穀山飛霞洞正書題額二字  
徑四寸許文五行字徑三寸許遒勁似顏清臣孫  
氏星衍寰宇訪碑錄亦著於錄陳求古字師之閩  
州曲水人同中書門下平章事文惠公堯佐之次  
子見歐陽脩居士集陳文惠公神道碑慶厯間以  
駕部外郎知温州見萬厯郡志秩官門至和初蓋  
猶在任故有此題孫奕至和元年知永嘉縣亦見  
萬厯郡志萬姓統譜載奕字景山閩縣人登進士



歷知南陵海陵吳封邱縣呂誨爲御史中丞薦爲  
臺推遷監察御史論新法爲鄧綰所劾出監陳州  
酒稅陳襄知杭州辟爲僉判元祐初除福建轉運  
使費衮梁谿漫志載東坡臨安石屋洞題名亦有  
奕名蓋亦元祐勝流也台幙者玉篇巾部幕亦作  
幙孫同元永嘉聞見錄云處州麗水南明高陽洞  
亦有郡幙劉輔之題名可以互證梁章鉅浪跡續  
談云台幙猶今人之稱憲幕耳詒讓按趙鼎朝野  
類要幕職條云僉判司理司法司戶錄參節推察  
推節判察之類此台幕陳確不知其爲何官也此  
碑舊爲妄人用磚瓦於其外作一神龕故郡志所  
載碑文二年下奪歲次二字台字下奪幙陳確從

事趙頡杜仁壽十字孫氏始從故家得搨本全文  
讀之今其龜已廢全碑露出可搨矣碑內書報作  
報从乘則古所無也

按此碑題名二字橫列大徑七寸許文作六行每  
行十一字字徑三四寸不等孫孝廉所述尙有小  
誤今正之幕亦作幙金石萃編澹山巖題名有永  
幙項隨又云軍事推官項隨或云郡從事項隨皆  
同實而異名又太常博士通判軍府事張子定興  
慶寺禪宴詩序云子定濫遊幙府王梅溪僉判紹  
興民事堂賦序某備員越幕是幙卽幕官之稱均  
可互證文獻通考宋元祐令京府判官至軍監判  
官爲幙職官皆從八品又有推官書記支使錄事

之屬或奏文或自辟除通判以下皆得僭幕官推  
官從事與今之經歷照磨相類非幕友比也浪跡  
續談以台幕爲猶今人之僭憲幕亦未深考竊意  
郡幙爲本郡幕官台幙爲台郡幕官耳

王孝和等仙巖題名

郡守王孝和

屬吏周允言

褚瑄韓奕吳

濤至和二年

九月十六日遊

文僞按右刻在瑞安仙巖雷潭頂東偏下百餘步  
橫石上五行四行行五字一行六字正書徑六寸

二分王孝和以虞部外郎知温州韓奕知永嘉縣  
郡邑志均誤作嘉祐元年吳濤至和元年知瑞安  
周緒二人列知縣上當是推官參軍等職志蓋失  
之

孫詒讓案吳濤字德劭崇仁人環溪居士沆之兄  
見環溪詩話

鄭賡等飛霞洞題名

至和二年十有二月望日

鄭賡王奎軫林瑾沈珙同

飲餞陳象古妹知本知讓

詒讓按右刻二行在永嘉縣飛霞洞正書磨崖字  
邇勁與陳求古題名同象古爲陳文惠少子求古

弟也官太常寺太祝積階右宣德郎見居士集陳文惠神道碑及范祖禹范太史集右班殿直陳氏墓誌知本求古子見求古大滌洞題名姝玉篇女部或音逸與姪同

按右刻三行非二行正書每行十字字徑三四寸不等在飛霞洞題名碑之左旁崖上與題名碑字迹相同當是一人手筆又按趙清獻公集有贈鄭賡高士詩五律一首時清獻公子岷通判温州就養來甌往還贈答之作詩云易有幽人象天垂處士星知音辭相府歸養爲親庭閒和碧雲句深窮白首經惟賢二千石優顧眼尤青注云杜祁公范文正公昔留門下後以思親辭歸攷郡志隱逸傳

鄭泰臣永嘉人遊東師見知於杜祁公范文正公款待甚厚一日思親遂辭歸等語與趙公詩注合則泰臣疑卽鄭廣之字今云鄭泰臣而不著其名亦似疏略王奎軫等三人則不可攷矣

韓奕飛霞山題名

丙申閏三月十四日永

嘉令韓奕尉刁縉進士

鄭前石不疑同游謝岩

右刻在飛霞山麓石磴旁磨崖三行行九字正書徑六七寸不等韓奕永嘉令見前尉刁縉郡縣志失載鄭前石不疑皆不可考丙申宋仁宗嘉祐元年也

張瓌大龍湫題名

張瓌唐公遊

芭蕉  
單煥

文僞按右刻在樂清雁山大龍湫後絕壁苗振題  
名之左一行五字字徑一尺五寸四分下二行四  
字平列在遊字下字徑六寸六分均正書張瓌見  
宋史滁州全椒人字唐公及第除秘閣校理同知  
太常禮院判吏部南曹爲開封推官厯知洪州兩  
浙運使知穎揚二州就拜淮南轉運入修起居注  
知制誥出知黃州英宗時進左諫議大夫侍讀學  
士復出知濠州厯應天河南河陽卒年七十斯游  
蓋在爲兩浙轉運使時當至和嘉祐間故附於仁  
宗之末芭蕉二字不知所謂雁山西外谷有芭蕉

洞巖煥疑山中人導游者齊梁間亦有張瓌字祖逸吳郡吳人爲吳興太守見南齊書今之題名兼書唐公者所以別祖逸也

李復圭雁山題名兩種

左文

行部來

李審言

右刻在雁蕩大龍湫潭旁巨石上左文正書徑五寸五分

李復圭來

右在龍鼻洞左壁正書徑二寸餘李復圭字審言宋史附李若谷傳徐州豐人慶厯初與兄壽朋同試學士院賜進士出身歷湖北兩浙淮南等六轉



運使熙寧初進直龍圖閣知慶州此遊蓋亦在爲  
兩浙轉運時也